



Akitsinguaq Olsen  
Inatsisartuni ilaasortaq Siumut

**Pineqartoq: Kalaallit Nunaanni angerlarsimaffinni eqqissiviilliornerit annersaanerillu pinaveersaartinnissaat pillugit suliniutinut § 37 naapertorlugu apeqquteqaat.**

Inatsisartuni ilaasortaq Akitsinguaq Olsen, Siumut

Kalaallit Nunaanni angerlarsimaffinni eqqissiviilliornerit annersaanerillu pinaveersaartinnissaat pillugit apeqqutigisannut pingaaruteqartunut suliamullu attuumassuteqartunut qujanaq. Naalakkersuisut suliasaqarfik tamanna pingaartillunnarpat, taamaammallu annersaanerit pillugit periusissatut iliuusissatullu pilersaarummik Upernaakkut ataatsimiinnermi 2013-imi saqqummiunneqartussamik suliaqarsimapput.

Maani nunatsinni annersaanermut atatillugu ajornartorsiutaasut arlaqartut, aallarniutaasinnaasut paquminartullu Annersaanermut Periusissatut Iliuusissatullu Pilersaarummi pineqarput. Periusissatut iliuusissatullu pilersaarummi suliasat suliniutillu 32-t tigussaat pineqarput naalakkersuisoqarfinnut sisamanut ukununga agguarneqarsimasut: Ilaqutaariinnermut, Kultureqarnermut, Ilageeqarnermut Naligiissitaanermullu Naalakkersuisoqarfik, Peqqissutsimut Naalakkersuisoqarfik, Ilinniartitaanermut Ilisimatusarnermullu Naalakkersuisoqarfik aamma Nunamut Namminerimut, Pinngortitamut Avatangiisinullu Naalakkersuisoqarfik. Suliniutini ilaatigut pineqarput inunnut suliamik ilisimasalinnut atuagaaqqat najoqqutassiat, ilaqutariinni inuusuttullu akornanni annersaasernerit qitiutillugit paasititsiniaanerit, annersaasartunut katsorsarneqarnissamik neqeroorutit, qarasaasiakkut iserfigineqarsinnaasumik nittartaqarneq, arnanut annersarneqarsimasunut ataatsimaarfissaq, inunnut suliamik ilisimaqartunut pikkorissartitsinerit allarpassuillu.

Annarsaanermut periusissatut iliuusissatullu pilersaarummi pinaveersaartitsinerit, katsorsaanerit, qaammarsaanerit suliniuteqareernerimilu malinnaanerit immikkut qanigisariinni annersaasernerit qitiutillugit sammineqassapput. Naalakkersuisut isumaqarput pinaveersaartitsinerit immikkut sammineqarnissaat pingaaruteqartoq. Annarsaanaveersaarnissat, annersaanermik eqqugaasunut ikiuinissamik neqerooruteqarnissat aammalu annersaasarnermik ileqqoqarnerup unikaallatsinneqarnissaata qulakkeerneqarnissaa pineqarput. Naalakkersuisut taamaalillutik suliniuteqarneq sunut tamanut isiginnittoq pingaartippaat, tassuuna nunatsinni kinaagaluartorluunniit annersaanermik eqqugaannginnissaa qulakkeerneqassamat.

Politiini pisortanilu sulisut annersaanermik suliaqartut amerlassusaannut Naalakkersuisut tigussaasunik sunik anguniagaqarnerisut ilanngullugu apeqqutigaat.

Naalakkersuisut isumaqarput naalagaaffimmi oqartussat eqqartuussiveqarnermik akisussaallutik suliaqartuusut akisussaaffittut suliaminnik isumaginninnissaannut nukis-

21. januar 2013  
Suliap normua 2012-075705  
All. Nr. 1107777

Postboks 260  
3900 Nuuk  
Oqa. (+299) 34 50 00  
Allakkasuartaat (+299) 34 66 66  
E-mail: ikinn@nanoq.gl  
www.nanoq.gl

sanik pisariaqartinneqartunik tunineqartariaqartut. Naalakkersuisut Kalaallit Nunaanni eqqartuussiveqarnerup iluani qanoq amerlatigisunik sulisoqarnissaa pillugu tigus-saasunik anguniagaqanngillat, kisiannili suliassaqarfimmi naapertuuttuunngitsunik pisoqassagaluarpat naalagaaffimmi akisussaallutik oqartussaasut ingerlaavartumik ilisimatinneqartarput. Taakkununga assersuutigalugu ilaapput kredsrettini suliamik si-visuumik sulilaqartarnerit pineqaatissinneqarsimasunullu inissiisarfinniinnissamut utaqqisorpassuit.

Inussiarnersumik inuulluaqqusillunga



Mimi Karlsen